



## Universitätsbibliothek Paderborn

**Exempla, In Septem Capitalivm Vitiorvm Detestationem,  
Per Qvadragesimam, An. 1646. narrata**

**Stengel, Georg**

**Ingolstadij, 1649**

§. 12. Correctio fraterna.

[urn:nbn:de:hbz:466:1-49161](#)

**Ezech. 16.** peccantem cesseret admonere. Summè irati comminatio est : *Et requiescat indignatio mea in te, & auferetur zelus meus à te, & quiescam, nec irascar amplius : itemque, Iuravi, ut non irascar tibi, & non increpem te. Vides, quia tunc magis irascitur Deus, cum non irascitur?*

**S. Bern.** ait S. Bernardus. **Serm. 42.** Quid agam ? an ego sic irascar ? Non est mihi hīc irascendi , sed diligendi tempus. **in Cant.** Non sum pater ? sum tamen

**Proe. 18.** frater. Frater, qui adinatur à fratre, quasi ciusitas firma. Sed sum natu minor ? at omne ani-

**Eccli. 13.** mal diligit simile sibi ; sic & omnis homo proximum sibi ; cur hac ego dilectione abstinebo ?

cur tacendo videbor facta eius approbare ? aut de eo, tanquam inemendabili desperare ? Sed sāpe me iam repulit admonentem ? Atqui jam vltro vocauit, morbus eum domuit. In tempore veni. jam est occasio ulceris secandi. Erumpe, anime, in lachrymas, & verba , quæ leniri vultu possunt, ut cole- rentur; apud Deum perdi non possunt, si apud fratrem repudientur.

**XII.** Ita secum tacitè sermocinatus, tandem in  
**CORRE-** has voces erupit : *Heu mihi, frater charissime,*  
**CTIO FRA-** *qualis es, quantum mutatus ab illo, quem de for-*  
**TERNA.** *mositate omnes, cum admiratione, paulò ante,*  
*prædicauerunt ? quem certatim tot pueri, & tot*  
*matroni*

matrona concupierunt intueri? Quò color? quò  
forma excellentia? quò venustas oculorū recessit?  
Ubi nunc sunt illecebra? ubi socij illi iucundi, qui  
aures tuas obscuris iocis, mentem Cupidinibus  
Venereis repleuerunt? Cur nunc te non inuisunt?  
Cur nunc deserunt, cum solatijs tibi maximè est  
opus? cur, in extrema rerum desperatione, re-  
linquunt? Ast non ego, id agam; fratrem fra-  
ter non deseram: dummodo non celes, neq;  
dissi-  
mules mihi, quidnam tibi adeò dirum acciderit,  
ut mente percussus, & totis artubus contremi-  
scens, ac sudabundus, ad omnem aura motum  
expauescas? Ecquid veteris vita tua es memor?  
ecquid verborum meorum recordaris? Nonne  
vaticinatus sum tibi, venturum tempus, quo te  
pœniteat, Spiritui S. per me, perq; alios, te ad  
frugem vocanti, toties restitisse? Talibus vulne-  
rato verbis vel oleum affudit, vel medicina-  
nale vinum, dixitque: Mi charissime fra-  
ter, si tremorem sudoremq; hunc tibi uehemen-  
tia morbi exprimit; bono sis animo, nondum  
actum est de tua vita; multi grauioribus è mor-  
bis reducti sunt ad sanitatem. Quòd si verò tua  
te peccata, & anteacta, in tot flagitijs, vita me-  
morja tantopere exterret, præsto est remedium;  
ingemisce, peccata detestare, emendationem pro-  
mitte; veniam ora; sacerdotem voca; neq; spem  
abiice.

abijce. Bonus est Deus, infinita est clementia illius; cuius misericordia non solum pendenti in cruce latroni veniam, repente, & ob pauca verba impertivit,; verum etiam Paradisum spondit. Idem mansuetissimus Deus, etiam hodie adhuc pœnitentiam tuam expectat; neq; ulli, quam diu viuit, peccata sua retractanti, cœlum claudit. Vita hæc via est; quam diu in via sumus, redire licet, & corrigere errorem, qui nos in abrupta duxit.

## XIII.

DIVINAE  
MISERI  
CORD AE  
FIDUCIA,

Hæc alloquia, cum ardore ac suavitate facta, animum desperantis molliuerunt, & os quoque obstinatè priùs obseratum aperuerunt. Ex ordine igitur omnia recensuit, quæ illi, proximis duabus noctibus, euenerunt: Quo pacto scilicet cœlestis Pater, eum pronunciauerit damnatum; Qua detestatione, Filius Dei sanguinem de latere haustum illi sit in faciem iacula<sup>t</sup>, eumque penitus perditum declarârit. Quare, inquiebat, a&ctum est de me; nihil mihi amplius prodest, pœnitere, etiamsi sanguinem fleam. Stat sententia. irrevocabile est judicium, quod de me tulit summus judex. Non licet appellare ad superiorem. Mutata sunt exta. Nihil proficio hoc porco piaculo immolando. Quo modo enim aliter de me loquar, qui credidi sicut Ethnicus; vixi sicut Epicureus?

G.